

唐書合鈔

唐書卷第七十一

志四十七

儀衛

舊書無從新書增

唐制天子居曰衙行曰駕皆有衛有嚴羽葆華蓋旌旗罕畢車馬之衆盛矣皆安徐而不譁其人君舉動必以扇出入則撞鐘庭設樂宮道路有鹵簿鼓吹禮官百司必備物而後動蓋所以爲慎重也故慎重則尊嚴尊嚴則肅恭夫儀衛所以尊君而肅臣其聲容文采雖非三代之制至其盛也有足取焉

衙凡朝會之仗三衛番上分爲五仗號衙內五衛一曰供奉仗以左右衛爲之二曰親仗以親衛爲之三曰勳

仗以勳衛爲之四曰翊仗以翊衛爲之皆服鷓冠緋衫
袂五曰散手仗以親勳翊衛爲之服緋絕襖襠繡野馬
皆帶刀捉仗列坐於東西廊下每月以四十六人立內
廊閣外號曰內仗以左右金吾將軍當上中郎將一人
押之有押官有知隊仗官朝堂置左右引駕三衛六十
人以左右衛三衛年長強直能糾劾者爲之分五番有
引駕伙飛六十六人以伙飛越騎步射爲之分六番每
番皆有主帥一人坐日引駕升殿金吾大將軍各一人
押之號曰押引駕官中郎將郎將各一人檢校引駕事
又有千牛仗以千牛備身備身左右爲之千牛備身冠

進德冠服袴褶備身左右服如三衛皆執御刀弓箭升殿列御座左右內外諸門以排道人帶刀提仗而立號曰立門仗宣政左右門仗內仗皆分三番而立號曰交番仗諸衛有挾門隊長槍隊承天門內則左右衛挾門隊立東西廊下門外則左右驍衛挾門隊列東西廊下長樂永安門內則左右威衛挾門隊列東西廊下門外則左右領軍衛挾門隊列東西廊下嘉德門內則左右武衛挾門隊列東西廊下車駕出皇城則挾門隊皆從長槍隊有漆槍木槍白櫛槍樸頭槍每夜第一蓼蓼諸隊仗佩弓箭胡祿出舖立廊下按稍張弓捻箭設弩第

二夔夔後擊鍾訖持更者舉稍鍾聲絕則解仗一點持
更人按稍持弓者穩箭唱號諸衛仗隊皆分更行探宿
衛門閤仗隊鍪甲葭環左襜餘仗隊唯持更人葭一具
供奉散手仗亦持更葭甲每朝第一夔夔訖持更稍皆
舉張弓者攝箭收弩立門隊及諸隊仗皆立於廊下第
二夔夔聲絕按稍弛弓收鋪諸門挾門隊立於階下復
一刻立門仗皆復舊內外隊仗立於階下元日冬至大
朝會宴見蕃國王則供奉仗散手仗立於殿上黃麾仗
樂縣五路五副路屬車輿輦繖二翰一陳于庭扇一百
五十有六三衛三百人執之陳于兩廂黃麾仗左右廂

各十二部十二行第一行長戟六色斨領軍衛赤斨威
衛青斨黑斨武衛鶩斨驍衛白斨左右衛黃斨黃地雲
花襖冒第二行儀鎧五色幡赤地雲花襖冒第三行大
稍小孔雀斨黑地雲花襖冒第四行小戟刀楯白地雲
花襖冒第五行短戟大五色鸚鵡毛斨青地雲花襖冒
第六行細射弓箭赤地四色雲花襖冒第七行小稍小
五色鸚鵡毛斨黃地雲花襖冒第八行金花朱滕絡楯
刀赤地雲花襖冒第九行戎鷄毛斨黑地雲花襖冒第
十行細射弓箭白地雲花襖冒第十一行大鋌白毘青
地雲花襖冒第十二行金花綠滕絡楯刀赤地四色雲

花襖冒十二行皆有行膝鞵鞵前黃麾仗首左右廂各
二部部十二行行十人左右領軍衛折衝都尉各一人
領主帥各十人師子袍冒次左右廂皆一部部十二行
行十人左右威衛果毅都尉各一人領主帥各十人豹
文袍冒次廂各一部部十二行行十人左右武衛折衝
都尉各一人主帥各十人次廂各一部部十二行行十
人左右衛折衝都尉各一人主帥各十人次當御廂各
一部部十二行行十人左右衛果毅都尉各一人主帥
各十人次後廂各一部部十二行行十人左右驍衛折
衝都尉各一人主帥各十人次後廂各一部部十二行

行十人左右武衛果毅都尉各一人主帥各十八次後
左右廂各一部部十二行行十人左右威衛折衝都尉
各一人主帥各十八次後左右廂各一部部十二行行
十人左右威衛果毅都尉各一人主帥各十八次後左
右廂各一部部十二行行十人左右領軍衛果毅都尉
各一人主帥各十八次盡後左右廂軍衛主帥各十八
護後被師子文袍冒左右領軍衛黃麾仗首尾廂皆絳
引旛二十引前十掩後十廂各獨揭鼓十二重重二人
赤地雲花襖冒行騰鞵鞵居黃麾仗外每黃麾仗一部
鼓一左右衛左右驍衛左右武衛左右威衛將軍各一

人大將軍各一人左右領軍衛大將軍各一人檢校被
繡袍次左右衛黃旗仗立於兩階之次鍪甲弓箭刀楯
皆黃隊有主帥以下四十人皆戎服被大袍二人引旗
一人執二人夾二十人執稍餘佩弩弓箭第一鱗旗隊
第二角端旗隊第三赤熊旗隊折衝都尉各一人檢校
戎服被大袍佩弓箭橫刀又有夾轂隊廂各六隊隊三
十人胡木鍪眊蜀鎧懸鈴覆膊錦臂鞬白行滕紫帶鞵
鞞持纘楯刀廂各折衝都尉一人果毅都尉二人檢校
冠進德冠被紫緞連甲緋繡葵花文袍第一隊第四隊
朱質鍪鎧緋袴第二隊第五隊白質鍪鎧紫袴第三隊

第六隊黑質鍪鎧阜袴次左右驍衛赤旗仗坐於東西廊下鍪甲弓箭刀楯皆赤主帥以下如左右衛第一鳳旗隊第二飛黃旗隊折衝都尉各一人檢校第三吉利旗隊第四兜旗隊第五太平旗隊果毅都尉各一人檢校又有親勳翊衛仗廂各三隊壓角隊皆有旗一人執二人引二人夾校尉以下翊衛以上三十五人皆平巾幘緋襖襠大口袴帶橫刀執稍二十人帶弩四人帶弓箭十一人第一隊鳳旗大將軍各一人主之第二隊飛黃旗將軍各一人主之第三隊吉利旗郎將一人主之次左右武衛白旗仗居驍衛之次鍪甲弓箭刀楯皆白

主帥以下如左右衛第一五牛旗隊黃旗居內赤青居
左白黑居右各八人執第二飛麟旗隊第三駛驪旗隊
第四鸞旗隊果毅都尉各一人檢校第五犀牛旗隊第
六駿驥旗隊第七麒麟旗隊第八驪騶旗隊折衝都尉
各一人檢校持鈹隊果毅都尉各一人校尉二人檢校
前隊執銀裝長刀紫黃綬紛絳引旛一金節十二分左
右次罕畢朱雀幢又青龍白虎幢道蓋又各一自絳引
旛以下執者服如黃麾執罕畢及幢者平陵冠朱衣革
帶左罕右畢左青龍右白虎稱長一人出則告警服如
黃麾鈹戟隊各一百四十四人分左右三行應蹕服如

黃麾果毅執青龍等旗將軍各一人檢校旅帥二人執銀裝長刀紫黃綬紛檢校後隊次左右威衛黑旗仗立於階下鍪甲弓箭楯稍皆黑主帥以下如左右衛第一黃龍負圖旗隊第二黃鹿旗隊第三騶牙旗隊第四蒼烏旗隊果毅都尉各一人檢校次左右領軍衛青旗仗居威衛之次鍪甲弓箭楯纘皆青主帥以下如左右衛第一應龍旗隊第二玉馬旗隊第三三角獸旗隊果毅都尉各一人檢校第四白狼旗隊第五龍馬旗隊第六金牛旗隊折衝都尉各一人檢校又有仗步甲隊將軍各一人檢校及仗左右廂千人廂別二百五十人執

及二百五十人執義皆赤地雲花襖冒行膝鞬鞮及義
以次相間左右領軍衛各一百六十人左右武衛各一
百人左右威衛左右驍衛左右衛各八十人左右廂有
主帥三十八人平巾幘緋袖襜大口袴執儀刀廂有左
右衛各三人左右驍衛左右武衛左右威衛左右領軍
衛各四人以主及仗被豹文袍冒領軍衛師子文袍步
甲隊從左右廂各四十八前後皆二十四每隊折衝都
尉一人主之被繡袍每隊一人戎服大袍帶橫刀執旗
二人引二人夾皆戎服大袍帶弓箭橫刀隊別三十人
被甲臂鞬行膝鞬鞮每一隊蓋甲覆膊執弓箭一隊胡

木鍪及毘蜀鎧覆膊執刀楯攢相間第一隊赤質鍪甲
赤弓箭折衝都尉各一人主之執鶡鷄旗第二隊赤質
鍪鎧赤刀楯攢果毅都尉各一人主之執豹旗第三隊
青質鍪甲青弓箭折衝都尉各一人主之第四隊青質
鍪鎧青刀楯攢果毅都尉各一人主之第五隊黑質鍪
甲黑弓箭左右威衛折衝都尉各一人主之第六隊黑
質鍪鎧黑刀楯攢果毅都尉各一人主之第七隊白質
鍪甲白弓箭左右武衛折衝都尉各一人主之第八隊
白質鍪鎧白刀楯攢果毅都尉各一人主之第九隊黃
質鍪甲黃弓箭左右驍衛折衝都尉各一人主之第十

隊黃質鍪鎧黃刀楯纘果毅都尉各一人主之第十一
隊黃質鍪甲黃弓箭左右衛折衝都尉各一人主之第
十二隊黃質鍪鎧黃刀楯纘果毅都尉各一人主之次
後第一隊黃質鍪鎧黃刀楯纘左右衛折衝都尉各一
人主之至第十二隊與前同次左右金吾衛辟邪旗隊
折衝都尉各一人檢校又有清遊隊朱雀隊元武隊清
遊隊建白澤旗二各一人執帶橫刀二人引二人夾皆
帶弓箭橫刀左右金吾衛折衝都尉各一人帶弓箭橫
刀各領四十人皆帶橫刀二十人持稍四人持弩十六
人帶弓箭朱雀隊建朱雀旗一人執引夾皆二人金吾

衛折衝都尉一人主之領四十人二十人持稍四人持
弩十六人帶弓箭又二人持襮稍皆佩橫刀襮稍以黃
金塗末龍旗十二執者戎服大袍副竿二各一人執戎
服大袍分左右果毅都尉各一人主之大將軍各一人
檢校二隊元武隊建元武旗一人執二人引二人夾平
巾幘黑襦襜黑袂大口袴左右金吾衛折衝都尉各一
人主之各領五十人持稍二十五人持弩五人帶弓箭
二十人又二人持襮稍諸衛挾門隊長槍隊與諸隊相
間朝日殿上設黼屨躡席熏爐香案御史大夫領屬官
至殿西廡從官朱衣傳呼促百官就班文武列於兩觀

監察御史二人立於東西朝堂軛道以涖之平明傳點
畢內門開監察御史領百官入夾階監門校尉二人執
門籍曰唱籍既視籍曰在入畢而止次門亦如之序班
於通乾觀象門南武班居文班之次入宣政門文班自
東門而入武班自西門而入至閣門亦如之夾階校尉
十人同唱入畢而止宰相兩省官對班於香案前百官
班於殿庭左右巡使二人分涖於鍾鼓樓下先一品班
次二品班次三品班次四品班次五品班每班尙書省
官爲首武班供奉者立於橫街之北次千牛中郎將次
千牛將軍次過狀中郎將一人次接狀中郎將一人次

押柱中郎將一人次押柱中郎

二字疑有脫譌

一人次排階中

郎將一人次押散手仗中郎將一人次左右金吾衛大將軍凡殿中省監少監尙衣尙舍尙輦奉御分左右隨繖扇而立東宮官居上臺官之次王府官又次之唯三太三少賓客庶子王傅隨本品侍中奏外辦皇帝步出西序門索扇扇合皇帝陞御坐扇開左右畱扇各三左右金吾將軍一人奏左右廂內外平安通事舍人贊宰相兩省官再拜升殿內謁者承旨喚仗左右羽林軍勘以木契自東西閣而入內侍省五品以上一人引之左右衛大將軍將軍各一人押之二十人以下入則不帶

仗三十人入則左右廂監門各二人千牛備身各四人
三衛各八人金吾一人百人入則左右廂監門各六人
千牛備身各四人三衛三十三人金吾七人二百人則
增以左右武衛威衛領軍衛金吾衛翊衛等凡仗入則
左右廂加一人監捉永巷御刀弓箭及三衛帶刀入則
曰仗入三衛不帶刀而入則曰監引入朝罷皇帝步入
東序門然後放仗內外仗隊七刻乃下常參輟朝日六
刻卽下宴蕃客日隊下復立半仗於兩廊朔望受朝及
蕃客辭見加燾稍隊儀仗減半凡千牛仗立則全仗立
太陽虧昏塵大霧則內外諸門皆立仗泥雨則延三刻

傳點

駕大駕鹵簿天子將出前二日太樂令設宮懸之樂於庭晝漏上五刻駕發前發七刻擊一鼓爲一嚴前五刻擊二鼓爲再嚴侍中版奏請中嚴有司陳鹵簿前二刻擊三鼓爲三嚴諸衛各督其隊與鉞戟以次入陳殿庭通事舍人引羣官立朝堂侍中中書令以下奉迎於西階侍中負寶乘黃令進路於太極殿西階南向千牛將軍一人執長刀立路前北向黃門侍郎一人立侍臣之前贊者二人旣外辨太僕卿攝衣而升正立執轡天子乘輿以出降自西階曲直華蓋警蹕侍衛千牛將軍前

執轡天子升路太僕卿授綏侍中中書令以下夾侍黃
門侍郎前奏請發鑾駕動警蹕鼓傳音黃門侍郎與贊
者夾引而出千牛將軍夾路而趨駕出承天門侍郎乘
馬奏駕少畱敕侍臣乘馬侍中前承制退稱制曰可黃
門侍郎退稱侍臣乘馬贊者承傳侍臣皆乘侍衛之官
各督其屬左右翼駕在黃麾內符寶郎奉六寶與殿中
後部從在黃鉞內侍中中書令以下夾侍路前贊者在
供奉官內侍臣乘畢侍郎奏請車右升侍中前承制退
稱制曰可侍郎復位千牛將軍并侍郎奏請發萬年縣
令先導次京兆牧太常卿司徒御史大夫兵部尙書皆

乘路鹵簿如本品次清游隊次左右金吾衛大將軍各
一人帶弓箭橫刀檢校龍旗以前朱雀等隊各二人持
纛稍騎夾次左右金吾衛果毅都尉各一人帶弓箭橫
刀領夾道鐵甲仗飛次虞候仗飛四十八騎平巾幘緋
襖襠大口絛帶弓箭橫刀夾道分左右以屬黃麾仗次
外鐵甲仗飛二十四人帶弓箭橫刀甲騎具裝分左右
廂皆六重以屬步甲隊次朱雀隊次指南車記里鼓車
白鷺車鸞旗車辟惡車皮軒車皆四馬有正道匠一人
駕士十四人皆平巾幘大口絛緋衫太卜令一人居辟
惡車服如仗飛帶弓箭左金吾衛隊正一人居皮軒車

服平巾幘緋襖襠銀裝儀刀紫黃綬紛執弩次引駕十
二重重二人皆騎帶橫刀自皮軒車後屬於細仗前稍
弓箭相間左右金吾衛果毅都尉各一人主之次鼓吹
次黃麾仗一執者武弁朱衣革帶二人夾次殿中侍御
史二人導次太史監一人書令史一人騎引相風行漏
輿次相風輿正道匠一人輿士八人服如正道匠次擗
鼓金鈺司辰典事匠各一人刻漏生四人分左右次行
漏生正道匠一人輿士十四人次持鋏前隊次御馬二
十四分左右各二人馭次尙乘奉御二人書令史二人
騎從次左青龍右白虎旗執者一人服如正道匠引夾

各二人皆騎次左右衛果毅都尉各一人各領二十五騎二十人執稍四人持弩一人帶弓箭行儀刀仗前次通事舍人四人在左四人在右侍御史一人在左一人在右御史中丞一人在左一人在右左拾遺一人在左右拾遺一人在右左補闕一人在左右補闕一人在右起居郎一人在左起居舍人一人在右諫議大夫一人在左一人在右給事中二人在左中書舍人二人在右黃門侍郎二人在左中書侍郎二人在右左散騎常侍一人在左右散騎常侍一人在右侍中二人在左中書令二人在右通事舍人以下皆一人從次香蹬一有衣

續以黃龍執者四人服如折衝都尉次左右衛將軍二人分左右領班劔儀刀各一人從次班劔儀刀左右廂各十二行第一左右衛親衛各五十三人第二左右衛親衛各五十五人第三左右衛勳衛各五十七人第四左右衛勳衛各五十九人各執金銅裝班劔纁朱綬紛第五左右衛翊衛各六十一人第六左右衛翊衛各六十三人第七左右衛翊衛各六十五人第八左右衛翊衛各六十七人各執金銅裝儀刀綠緌綬紛第九左右武衛翊衛各六十九人第十左右威衛翊衛各七十一人第十一左右領軍衛翊衛各七十三人第十二左右金

吾衛翊衛各七十五人各執銀裝儀刀紫黃綬紛自第一行有曲折三人陪後門每行加一人至第十二行曲折十四人次左右廂諸衛中郎將主之執班劔儀刀領親勳翊衛次左右衛郎將各一人皆領散手翊衛三十人佩橫刀騎居副仗稍翊衛內次左右驍衛郎將各一人各領翊衛二十八人甲騎具裝執副仗稍居散手衛外次左右衛供奉中郎將郎將四人各領親勳翊衛四十八人帶橫刀騎分左右居三衛仗內次玉輅駕六馬太僕卿馭之駕士三十二人凡五路皆有副駕士皆平巾幘大口袴衫從路色玉路服青衫千牛衛將軍一人

陪乘執金裝長刀左右衛大將軍各一人騎夾皆一人
從居供奉官後次千牛衛將軍一人中郎將二人皆一
人從次千牛備身備身左右二人騎居玉路後帶橫刀
執御刀弓箭次御馬二各一人馭次左右監門校尉二
人騎執銀裝儀刀居後門內次衙門旗二人執四人夾
皆騎赤綦襖黃冒黃袍次左右監門校尉各十二人騎
執銀裝儀刀督後門十二行仗頭皆一人次左右驍衛
翊衛各三隊居副仗稍外次左右衛夾轂廂各六隊次
大織二執者騎橫行居衙門後次雉尾障扇四執者騎
夾織次腰輦輦士八人次小團雉尾扇四方雉尾扇十

二花蓋二皆執者一人夾腰輦自大繖以下執者服皆如折衝都尉次掌輦四人引輦次大輦一主輦二百人平巾幘黃絲布衫大口袴紫縷帶紫行膝鞵鞵尙輦奉御二人主腰輦各書令史二人騎從次殿中少監一人督諸局供奉事一人從次諸司供奉官次御馬二十四各二人馭分左右次尙乘直長二人平巾幘緋袴褶書令史二人騎從居御馬後次持鈸隊次大繖二雉尾扇八夾繖左右橫行次小雉尾扇朱畫團扇皆十二左右橫行次花蓋二又二次俾倪十二左右橫行次元武幢一又一居絳麾內次絳麾二左右夾元武幢次細稍十

二孔雀爲旣左右橫行居絳麾後自鈸戟以下執者服如黃麾仗唯元武幢執者服如罕畢次後黃麾執者一人夾二人皆騎次殿中侍御史二人分左右各令史二人騎從居黃麾後次大角次方輦一主輦二百人次小輦一主輦六十人次小輦一奉輦十二人服如主輦次尙輦直長二人分左右檢校輦輿皆書令史二人騎從次左右武衛五牛旗輿五赤青居左黃居中白黑居右皆八人執之平巾幘大口袴衫從旗色左右威衛隊正各一人主之騎執銀裝長刀次乘黃令一人丞一人分左右檢校玉路皆府史二人騎從次金路象路革路木

路皆駕六馬駕士三十二人次五副路皆駕四馬駕士二十八人次耕根車駕六馬駕士三十二人次安車四望車皆駕四馬駕士二十四人次羊車駕果下馬一小吏十四人次屬車十二乘駕牛駕士各八人次門下中書祕書殿中四省局官各一人騎分左右夾屬車各五人從唯符寶郎以十二人從次黃鉞車上建黃鉞駕二馬左武衛隊正一人在車駕士十二人次豹尾車駕二馬右武衛隊正一人在車駕士十二人次左右威衛折衝都尉各一人各領掩後二百人步從五十人爲行大戟五十人刀楯積五十人弓箭五十人弩五十人皆黑

蓋甲覆膊臂鞬橫行次左右領軍衛將軍二人領步甲隊及及仗各二人執纛稍從次前後左右廂步甲隊次左右廂黃麾仗次左右廂及仗次諸衛馬隊左右廂各二十四自十二旗後屬于元武隊前後有主帥以下四十人皆戎服大袍二人引旗一人執二人夾二十人執稍餘佩弩弓箭第一辟邪旗左右金吾衛折衝都尉各一人主之皆戎服大袍佩弓箭橫刀騎第二應龍旗第三玉馬旗第四三角獸旗左右領軍衛果毅都尉各一人主之第五黃龍負圖旗第六黃鹿旗左右威衛折衝都尉各一人主之第七飛麟旗第八馱隄旗第九鸞旗

左右武衛果毅都尉各一人主之第十鳳旗第十一飛
黃旗左右驍衛折衝都尉各一人主之第十二麟旗第
十三角端旗以當御第十四赤熊旗左右衛折衝都尉
各一人主之第十五兕旗第十六太平旗左右驍衛果
毅都尉各一人主之第十七犀牛旗第十八駿驕旗第
十九驪駟旗左右武衛折衝都尉各一人主之第二十
騶牙旗第二十一蒼烏旗左右威衛果毅都尉各一人
主之第二十二白狼旗第二十三龍馬旗第二十四金
牛旗左右領軍衛折衝都尉各一人主之其服皆如第
一次元武隊次衙門一居元武隊前大戟隊後執者二

人夾四人皆騎分左右赤綦襖黃袍黃冒次衙門左右
廂廂有五門執夾人同上第一門居左右威衛黑質步
甲隊之後白質步甲隊之前第二門居左右衛步甲隊
之後左右領軍衛黃麾仗之前第三門居左右武衛黃
麾仗之後左右驍衛黃麾仗之前第四門居左右領軍
衛黃麾仗之後左右衛步甲隊之前第五門居左右武
衛白質步甲隊之後黑質步甲隊之前五門別當步甲
隊黃麾仗前馬隊後各六人分左右戎服大袍帶弓箭
橫刀凡衙門皆監門校尉六人分左右執銀裝長刀騎
左右監門衛大將軍將軍中郎將廂各巡行校尉一人

往來檢校諸門中郎將各一人騎從左右金吾衛將軍
循仗檢校各二人執褭稍騎從左右金吾衛果毅都尉
二人糾察仗內不法各一人騎從駕所至路南向將軍
降立於路右侍中前奏請降路天子降乘輿而入織扇
華蓋侍衛駕還一刻擊一鼓爲一嚴仗衛還於塗三刻
擊二鼓爲再嚴將士布隊仗侍中奏請中嚴五刻擊三
鼓爲三嚴黃門侍郎奏請駕發鼓傳音駕發鼓吹振作
入門太樂令命擊蕤賓之鍾左五鍾皆應鼓祝奏采茨
之樂至太極門戛鼓樂止旣入鼓祝奏太和之樂回路
南向侍中請降路乘輿乃入織扇侍御警蹕如初至門

戛啟樂止皇帝入侍中版奏請解嚴叩鉦將士皆休

太皇太后皇太后皇后出尙儀版奏請中嚴尙服率司
仗布侍衛司賓列內命婦於庭西嚮北上六尙以下詣
室奉迎尙服負寶內僕進車於閣外尙儀版奏外辦馭
者執轡太皇太后乘輿以出華蓋侍衛警蹕內命婦從
出門太皇太后升車從官皆乘馬內命婦宮人以次從
清游隊旗一執者一人佩橫刀引夾皆二人佩弓箭橫
刀騎次金吾衛折衝都尉一人佩橫刀弓箭領騎四十
亦佩橫刀夾折衝執稍二十人持弩四人佩弓箭十六
人持褭稍刀二人次虞候伙飛二十八人騎佩弓箭橫

刀夾道分左右以屬黃麾仗次內僕令一人在左丞一人在右各書令史二人騎從次黃麾一執者一人夾道二人皆騎次左右廂黃麾仗廂皆三行行百人第一短戟五色麾執者黃地白花綦襖冒第二戈五色麾執者赤地黃花綦襖冒第三鏗五色旛執者青地赤花綦襖冒左右衛左右威衛左右武衛左右驍衛左右領軍衛各三行行二十人每衛以主帥六人主之皆豹文袍冒執鍮石裝長刀騎唯左右領軍衛減三人每衛果毅都尉一人被繡袍各一人從左右領軍衛有絳引旛引前者三掩後者三次內謁者監四人給事二人內常侍二

人內侍少監二人騎分左右皆有內給使一人從次內
給使百二十人平巾幘大口袴緋襖襠分左右屬於宮
人車次偏扇團扇方扇皆二十四宮人執之衣綵大袖
裙襦綵衣革帶履分左右次香燈一內給使四人輦之
居重翟車前次重翟車駕四馬駕士二十四人次行障
六次坐鄣二皆左右夾車宮人執之服同執扇次內寺
伯二人領寺人六人執御刀服如內給使夾重翟車次
腰輦一執者八人團雉尾扇二夾輦次大繖四次雉尾
扇八左右橫行爲二重次錦花蓋二單行次小雉尾扇
朱畫團扇皆十二橫行次錦曲蓋二十橫行爲二重次

錦六柱八分左右自腰舉以下皆內給使執之次宮人
車次絳麾二分左右次後黃麾一執者一人夾二人皆
騎次供奉宮人在黃麾後次厭翟車翟車安車皆駕四
馬駕士各二十四人四望車駕士二十二入金根車駕
牛駕士十二人次左右廂衙門各二每門二人執四人
夾皆赤綦襖黃袍冒騎次左右領軍衛廂皆一百五十
人執及赤地黃花綦襖冒前屬於黃麾仗後盡鹵簿廂
各主帥四人主之皆黃袍冒執鍮石裝長刀騎折衝都
尉二人檢校及仗皆一人騎從次衙門一盡鹵簿後及
仗內正道每門監門校尉二人主之執銀裝長刀箱各

有校尉一人騎佩銀橫刀往來檢校御馬減大駕之半
太皇太后將還三嚴內典引引外命婦出次就位司賓
引內命婦出次序立大次之前既外辦馭者執轡太皇
太后乘輿出次華蓋警蹕侍衛如初內命婦以下乘車
以從車駕入內典引引外命婦退駕至正殿門外車駕
南嚮尙儀前奏請降車將士皆還

皇太子出則鹵簿陳于重明門外其日三刻宮臣皆集
於次左庶子版奏請中嚴典謁引宮臣就位侍衛官服
其器服左庶子負璽詣閣奉迎僕進車若輦於西閣外
南嚮內率一人執刀立車前北嚮中允一人立侍臣之

前贊者二人立中允之前前二刻諸衛之官詣閤奉迎
宮臣應從者各出次立於門外文東武西重行北嚮西
上左庶子版奏外辦僕升正位執轡皇太子乘輿而出
內率前執轡皇太子升車僕立授綏左庶子以下夾侍
中允奏請發車動贊者夾引而出內率夾車而趨出重
明門中允奏請停車侍臣上馬左庶子前承令退稱令
曰諾中允退稱侍臣上馬贊者承傳侍臣皆騎中允奏
請車右升左庶子前承令退稱令曰諾內率升訖中允
奏請發車動鼓吹振作太傅乘車訓導少傅乘車訓從
出延喜門家令先導次率更令詹事太保太傅太師皆

輶車備鹵簿次清游隊旗一執者一人佩橫刀引夾皆
二人亦佩弓箭橫刀騎次清道率府折衝都尉一人佩
弓箭橫刀領騎三十亦佩橫刀十八人執稍九人挾弓
箭三人持弩各二人騎從次左右清道率府率各一人
騎佩橫刀弓箭領清道直盪及檢校清游隊各二人執
纛稍騎從次外清道直盪二十四人騎佩弓箭橫刀夾
道次龍旗六各一人騎執佩橫刀戎服大袍橫行正道
每旗前後二人騎爲二重前引後護皆佩弓箭橫刀戎
服大袍次副竿二分左右各一人騎執次細引六重皆
騎佩橫刀每重二人自龍旗後屬於細仗稍弓箭相間

廂各果毅都尉一人主之次率更丞一人府史二人騎
從領鼓吹次誕馬十分左右執者各二人次履牧令一
人居左履牧丞一人居右各府史二人騎從次左右翊
府郎將二人主班劔次左右翊衛二十四人執班劔分
左右次通事舍人四人司直二人文學四人洗馬二人
司議郎二人居左太子舍人二人居右中允二人居左
中舍人二人居右左右諭德二人左右庶子四人騎分
左右皆一人從次左右衛率府副率二人步從次親勳
翊衛廂各中郎將郎將一人皆領儀刀六行第一親衛
二十三入第二親衛二十五人皆執金銅裝儀刀纁朱

綬紛第三勳衛二十七人第四勳衛二十九人皆執銀裝儀刀綠纒紛第五翊衛三十一人第六翊衛三十三人皆執鍮石裝儀刀紫黃綬紛自第一行有曲折三人陪後門每行加一人至第六行八人次三衛十八人騎分左右夾路次金路駕四馬駕士二十三人僕寺僕馭左右率府率二人執儀刀陪乘次左右衛率府率二人夾路各一人從居供奉官後次左右內率府率二人副率二人領細刀弓箭皆一人從次千牛騎執細刀弓箭次三衛儀刀仗後開衙門次左右監門率府直長各六人執鍮石儀刀騎監後門次左右衛率府廂各翊衛二

隊皆騎在執儀刀行外壓角隊各三十人騎佩橫刀一人執旗二人引二人夾十五人執稍七人佩弓箭三人佩弩隊各郎將一人主之次繖二人執雉尾扇四夾繖次腰輦一執者八人圍雉尾扇二小方雉尾扇八以夾腰輦內直郎二人主之各令史二人騎從次誕馬十分左右馭者各二人次典乘二人各府史二人騎從次左右司禦率府校尉二人騎從佩鑰石裝儀刀領團扇曲蓋次朱漆團扇六紫曲蓋六各橫行次諸司供奉次左右清道率府校尉二人騎佩鑰石裝儀刀主大角次副路駕四馬駕士二十二二人輶車駕一馬駕士十四人四

望車駕一馬駕士十人次左右廂步隊十六每隊果毅
都尉一人領騎二十八人戎服大袍佩橫刀一人執旗二
人引二人夾二十五人佩弓箭前隊持稍與佩弓箭隊
以次相間次左右司禦率府副率各一人騎檢校步隊
二人執褭稍騎從次儀仗左右廂各六色每色九行行
六人赤綦襖冒行滕鞵鞵第一戟赤斨六人第二弓箭
六人第三儀鋌毘六人第四刀楯六人第五儀鎗五色
旛六人第六油戟六人次前仗首左右廂各六色每色
三行行六人左右司禦率府二人果毅都尉各一人主
帥各六人主之次左右廂各六色每色三行行六人左

右衛率府副率二人果毅都尉各一人主帥各六人主
之左右司禦率府主帥各六人騎護後率及副率各一
人步從廂有絳引旛十二引前者六引後者六廂各有
獨揭鼓六重重二人居儀仗外及仗內皆赤綦襖冒行
膝鞵鞵左右司禦率府四重左右衛率府二重次左右
廂皆百五十人左右司禦率府各八十六人左右衛率
府各六十四人赤綦襖冒主及分前後居步隊外馬隊
內各司禦率府果毅都尉一人主之各一人騎從廂各
主帥七人左右司禦率府各四人左右衛率府各三人
騎分前後次左右廂馬隊廂各十隊隊有主帥以下三

十一人戎服大袍佩橫刀騎隊有旗一執者一人引夾
各二人皆佩弓箭十六人持稍七人佩弓箭三人佩弩
第一左右清道率府果毅都尉二人主之第二第三第
四左右司禦率府果毅都尉二人主之第五第六第七
左右衛率府果毅都尉當有二人二字主之第八第九第十左
右司禦率府果毅都尉二人主之皆戎服大袍佩弓箭
橫刀次後拒隊旗一執者佩橫刀引夾路各二人佩弓
箭橫刀次清道率府果毅都尉一人領四十騎佩橫刀
凡執稍二十人佩弓箭十六人佩弩四人騎從次後拒
隊前當正道及仗內有衙門次左右廂各有衙門三第

一當左右司禦率府步隊後左右衛率府步隊前第二
當左右衛率府步隊後左右司禦率府儀仗前第三當
左右司禦率府儀仗後左右衛率府步隊前每門二人
執四人夾皆騎赤綦襖黃袍冒門有監門率府直長二
人檢校左右監門率府副率各二人檢校諸門各一人
騎從次左右清道率府副率各二人檢校仗內不法各
一人騎從次少師少保正道乘路備鹵簿文武以
次從皇太子所至回車南嚮左庶子跪奏請降路還宮
一嚴轉仗衛於還塗再嚴左庶子版奏請中嚴三嚴僕
進車左庶子版奏外辦皇太子乘輿出門外降輿乘車

左庶子請車右升侍臣皆騎車動至重明門宮官下馬
皇太子乘車而入太傅少傅還皇太子至殿前車南嚮
左庶子奏請降皇太子乘輿而入侍臣從至閣左庶子
版奏解嚴若常行常朝無馬隊鼓吹金路四望車家令
率更令詹事太保太師少保少師又減隊仗三之一清
道儀刀誕馬皆減半乘輶車而已二傅乘犢車導從十
人太傅加清道二人

皇太子妃鹵簿清道率府校尉六人騎分左右爲三重
佩橫刀弓箭次青衣十人分左右次導客舍人四人內
給使六十人皆分左右後屬內人車次偏扇團扇方扇

各十人分左右宮人執者間綵衣革帶次行障四坐障
二宮人執以夾車次典內二人騎分左右次厭翟車駕
三馬駕士十四人次閤帥二人領內給使十八人夾車
次六柱二內給使執之次供奉內人乘犢車次繖一雉
尾扇二團扇四曲蓋二皆分左右各內給使執之次戟
九十執者絳綦襖冒分左右

親王鹵簿有清道六人爲三重武弁朱衣革帶次幟弩
一執者平巾幘緋袴褶騎次青衣十二人平巾青幘青
布袴褶執青布仗袋分左右次車輻十二分左右車輻
棒也夾車而行故曰車輻執者服如幟弩次戟九十執

者絳綦襖冒分左右次絳引旛六分左右橫行以引刀
楯弓箭稍次內第一行廂執刀楯絳綦襖冒第二行廂
執弓矢戎服第三行廂執稍戎服大袍廂各四十八次
節一夾稍一各一人騎執平巾幘大口袴緋衫次告止
旛四傳教旛四信旛八凡旛皆絳爲之署官號篆以黃
飾以鳥翅取其疾也金塗鉤竿長一丈一尺執者服如
夾稍分左右次儀鋌二儀鏗六油戟十八儀稍十細稍
十執者皆絳綦襖冒次儀刀十八執者服如夾稍分左
右次誕馬八馭者服如夾稍分左右次府佐六人平巾
幘大口袴緋襖襠騎持刀夾引次象路一駕四馬佐二

人立侍一人武弁朱衣草帶居左一人緋襖襠大口袴
持刀居右駕士十八人服如夾稍次繖二雉尾扇二次
朱漆團扇四曲蓋二執者皆絳綦襖冒分左右次僚佐
本服陪從次麾幢各一左麾右幢次大角鼓吹

一品鹵簿有清道四人爲二重憶弩一騎青衣十人車
輻十人戟九十絳引幡六刀楯弓箭稍皆八十節二大
稍二告止幡傳教幡皆二信幡六誕馬六儀刀十六府
佐四人夾行革路一駕四馬駕士十六人繖一朱漆團
扇四曲蓋二僚佐本服陪從麾幢大角鐃吹皆備自二
品至四品青衣車輻每品減二人二品刀楯弓箭戟稍

各減二十三品以下每品減十而已二品信旛四誕馬
四儀刀十四革路駕士十四人三品亦如之儀刀十革
路駕士十二人四品五品信旛二誕馬二儀刀八木路
駕士十人自二品至四品皆有清道二人朱漆團扇二
曲蓋一幟弩一騎旛竿長丈繖一節一夾稍二萬年縣
令亦有清道二人幟弩一騎青衣車幅皆二人戟三十
告止旛傳教旛信旛皆二竿長九尺誕馬二輅車一馬
駕士六人繖朱漆團扇曲蓋皆一非導駕及餘四等縣
初上者減幟弩車輻曲蓋其戟亦減十

內命婦夫人鹵簿青衣六人偏扇團扇皆十六執者間

綵裙襦綵裳革帶行障三坐障二厭翟車駕二馬馭人
十內給使十六人夾車從車六乘織雉尾扇皆一團扇
二內給使執之戟六十外命婦一品亦如之厭翟車馭
人減二有從人十六人非公主王妃則乘白銅飾犢車
駕牛馭人四無雉尾扇嬪青衣四人偏扇團扇方扇十
四行障二坐障一翟車馭人八內給使十四人夾車從
車四乘戟四十外命婦二品亦如之乘白銅飾犢車青
通幘朱裏從人十四人婕妤好美人才人青衣二人偏扇
團扇方扇十行障二坐障一安車駕二馬馭人八內給
使十人從車二乘戟二十太子良娣良媛承徽外命婦

三品亦如之白銅飾犢車從人十人外命婦四品青衣
二人偏扇團扇方扇皆八行障坐障皆一白銅飾犢車
馭人四從人八餘同三品唯無戟自夫人以下皆清道
二人繖一又有團扇二

大駕鹵簿鼓吹分前後二部鼓吹令二人府史二人騎
從分左右前部搗鼓十二夾金鈺十二大鼓長鳴皆百
二十鐃鼓十二歌簫笳次之大橫吹百二十節鼓二笛
簫簪築笳桃皮簪築次之搗鼓夾金鈺皆十二小鼓中
鳴皆百二十羽葆鼓十二歌簫笳次之至相風舉有搗
鼓一金鈺一鼓左鈺右至黃麾有左右金吾衛果毅都

尉二人主大角百二十橫行十重鼓吹丞二人典事二人騎從次後部鼓吹羽葆鼓十二歌簫笳次之鐃鼓十二歌簫笳次之小橫吹百二十笛簫觱篥笳桃皮觱篥次之凡歌簫笳工各二十四人主帥四人笛簫觱篥笳桃皮觱篥工各二十四人法駕減太常卿司徒兵部尙書白鷺車辟惡車大輦五副路安車四望車又減屬車四清游隊持鈸隊元武隊皆減四之一鼓吹減三之一小駕又減御史大夫指南車記里鼓車鸞旗車皮軒車象革木三路耕根車羊車黃鉞車豹尾車屬車小輦小輿諸隊及鼓吹減大駕之半凡鼓吹五部一鼓吹二羽

葆三鐃吹四大橫吹五小橫吹總七十五曲鼓吹部有
擗鼓大鼓金鈺小鼓長鳴中鳴擗鼓十曲一警雷震二
猛獸駭三鷲鳥擊四龍媒蹠五靈夔吼六鵬鷲爭七壯
士怒八熊罷吼九石墜崖十波蕩壑大鼓十五曲嚴用
三曲一元麟合邏二元麟他固夜三元麟跋至慮警用
十二曲一元咳大至遊二阿列乾三破達析利純四賀
羽真五鳴都路跋六他勃鳴路跋七相雷析追八元咳
赤賴九赤咳赤賴十吐咳乞物真十一貪大訐十二賀
粟胡真小鼓九曲一漁陽二鷄子三警鼓四三鳴五合
節六覆參七步鼓八南陽會星九單搖皆以爲嚴警其

一上馬用之長鳴一曲三聲一龍吟聲二彪吼聲三河
聲中鳴一曲三聲一盪聲二牙聲三送聲羽葆部十八
曲一太和二休和三七德四騶虞五基王化六纂唐風
七厭炎精八肇皇運九躍龍飛十殄馬邑十一興晉陽
十二濟涓險十三應聖期十四御宸極十五寧兆庶十
六服遐荒十七龍池十八破陣樂饒吹部七曲一破陣
樂二上車三行車四向城五平安六歡樂七太平大橫
吹部有節鼓二十四曲一悲風二遊絃三間絃明君四
吳明君五古明君六長樂聲七五調聲八鳥夜啼九望
鄉十跨鞍十一間君十二瑟調十三止息十四天女怨

十五楚客十六楚如歎十七霜鴻引十八楚歌十九胡
笳聲二十辭漢二十一對月二十二胡笳明君二十三
湘妃怨二十四沈湘小橫吹部有角笛簫笳觱篥桃皮
觱篥六種曲名失傳伶工謂夜警爲嚴凡大駕嚴夜警
十二曲中警三曲五更嚴三遍天子謁郊廟夜五鼓過
半奏四嚴車駕至橋復奏一嚴元和初禮儀使高郢建
議罷之

歷代獻捷必有凱歌太宗平東都破宋金剛執賀魯克
高麗皆備軍容凱歌入京都然其禮儀不傳元和初有
司奏命將征討有大功獻俘馘則神策兵衛於門外如

獻俘儀凱樂用鐃吹二部笛簫箎簫笳鐃鼓皆工二人
歌工二十四人乘馬執樂陳列如鹵簿鼓吹令丞前導
分行俘馘之前將入都門鼓吹振作奏破陣樂應聖期
賀朝歡君臣同慶樂等四曲至太社太廟門外陳而不
作告獻禮畢樂作至御樓前陳兵仗於旌門外二十步
樂工步行兵部尚書介冑執鉞於旌門中路前導協律
郎二人執麾門外分導太常卿跪請奏凱樂樂闋太常
卿跪奏樂畢兵部尚書太常卿退樂工立於旌門外引
俘馘入獻及稱賀俘囚出乃退

唐書卷第七十一

唐書卷第七十二

志四十八

經籍一

夫龜文成象肇八卦於庖犧鳥跡分形創六書於蒼頡
聖作明述同源異流墳典起之於前詩書繼之於後先
王陳迹後王準繩易曰人文以化成天下禮曰君子如
欲化民成俗其必由學乎學者非他方策之謂也琢玉
成器觀古知今歷代哲王莫不崇尚自仲尼沒而微言
絕七十子喪而大義乖嬴氏坑焚以愚黔首漢興學校
復創石渠雄向校讐於前馬鄭討論於後兩京載籍繇
是粲然及漢末遷都焚燭過半爰自魏晉迄於周隋而

好事之君慕古之士亦未嘗不以圖籍爲意也然河北

江南未能混一偏方購輯卷帙未宏而荀勗李充王儉

任昉祖暉皆達學多聞歷世整比羣分類聚遞相祖述

或爲七錄或爲四部言其部類多有所遺及隋氏建邦

寰區一統煬皇好學喜聚逸書而隋世簡編最爲博洽

及大業之季喪失者多

初隋嘉則殿書三十七萬卷至武德初有書八萬卷重復相採

王世充平得隋舊書八千餘卷太府卿宋遵貴監選東都浮舟沂河西致京師經砥柱舟覆盡亡其書貞

觀中令狐德棻魏徵虞世南相次爲祕書監上言經籍

亡逸請行購募并奏引學士校定羣書大備選五品以上子孫工

書者爲書手繕寫藏於內庫以宮人掌之

開元三年左散騎常侍褚无量馬

懷素侍宴言及經籍元宗曰內庫皆是太宗高宗先代舊書常令宮人主掌所有殘缺未遑補緝篇卷錯亂難於檢閱卿試爲朕整比之至七年詔公卿士庶之家所有異書官借繕寫及四部書成上令百官入乾元殿東

廊觀之無不駭其廣

无量建議御書以宋璟蘇頌同署如貞觀故事及還京師遷書東宮

麗正殿置脩書院於著作院其後大明宮光順門外東都明福門外皆創集賢書院學士通籍出入九年

十一月殷踐猷王愜韋述余欽母嬰劉彥真王灣劉仲等重脩羣書四部錄二百卷右散騎常侍元行沖奏上

之自後母嬰又畧爲四十卷名爲古今書錄大凡五萬

一千八百五十二卷

新書五萬三千九百一十五卷而唐之學者自爲之書者又二萬八

千四百六十九卷

祿山之亂兩都覆沒乾元舊籍亡散殆盡肅

宗代宗崇重儒術屢詔購募

元載為宰相奏以千錢購書一卷又命拾遺苗發等

使江淮括訪

文宗時鄭覃侍講禁中以經籍道喪屢以為言

詔令祕閣搜訪遺文日令添寫開成初四部書至五萬

六千四百七十六卷

分藏於十二庫

及廣明初黃巢干紀再陷

兩京宮廟寺署焚蕩殆盡曩時遺籍尺簡無存及行在

朝諸儒購輯所傳無幾昭宗即位志宏文雅祕書省奏

曰當省元掌四部御書十二庫共七萬餘卷廣明之亂

一時散失後來省司購募尙及二萬餘卷及先朝再幸

山南尙存一萬八千卷竊知京城制置使孫惟晟收在

本軍其御書祕閣見充教坊及諸軍人占住伏以典籍
國之大經祕府校讐之地其書籍竝望付當省校其殘
缺漸令補輯樂人乞移他所竝從之

命監察御史韋昌
範等諸道購求

及遷都洛陽又喪其半平時載籍世莫得聞今錄開元
盛時四部諸書以表藝文之盛四部者甲乙丙丁之次
也甲部爲經其類十二一曰易以紀陰陽變化二曰書
以紀帝王遺範三曰詩以紀興衰誦歎四曰禮以紀文
物體制五曰樂以紀聲容律度六曰春秋以紀行事褒
貶七曰孝經以紀天經地義八曰論語以紀先聖微言
九曰圖緯以紀六經讖候十曰經解以紀六經讖候

讖候

字譌
下同

十一曰詁訓以紀六經讖候十二曰小學以紀字
體聲韻乙部爲史其類十有三一曰正史以紀紀傳表
志二曰古史以紀編年繫事三曰雜史以紀異體雜紀
四曰霸史以紀僞朝國史五曰起居注以紀人君言動
六曰舊事以紀朝廷政令七曰職官以紀班序品秩八
曰儀注以紀吉凶行事九曰刑法以紀律令格式十曰
雜傳以紀先聖人物十一曰地理以紀山川郡國十二
曰譜系以紀世族繼序十三曰畧錄以紀史策條目丙
部爲子其類十有四一曰儒家以紀仁義教化二曰道
家以紀清淨無爲三曰法家以紀刑法典制四曰名家

以紀循名責實五曰墨家以紀強本節用六曰縱橫家
以紀辨說詭詐七曰雜家以紀兼敘衆說八曰農家以
紀播植種藝九曰小說家以紀芻辭輿誦十曰兵法以
紀權謀制度十一曰天文以紀星辰象緯十二曰厯數
以紀推步氣朔十三曰五行以紀卜筮占候十四曰醫
方以紀藥餌針灸丁部爲集其類有三一曰楚詞以紀
騷人怨刺二曰別集以紀詞賦雜論三曰總集以紀文
章事類等撰集依班固藝文志體例諸書隨部皆有
小序發明其指近史官撰隋書經籍志其例亦然竊以
紀錄簡編異題卷部相沿序述無出前修今之殺青亦

所不取但紀部帙而已而斐等所序四部都錄以明新
修之旨今畧載之竊以經墳浩廣史圖紛博尋覽者莫
之能徧司總者常苦其多何假重屋複牀更繁其說若
先王有關典上聖有遺事邦政所急儒訓是先宜垂教
以作程當闡規而開典則不違啟處何獲晏寧曩之所
修誠惟此義然體有未愜追怨良深於時祕書省經書
實多亡闕諸司墳籍不暇討論此則事有未周一也其
後周覽人間頗覩闕一字 文新集記貞觀之前永徽已來
不取近書採長安之上神龍已來未錄此則理有未宏
二也書閱不徧事復未周或不詳名氏或未知部伍此

則體有未通三也書多闕目空張第數旣無篇題實乖
標榜此則例有所虧四也所用書序咸取魏文貞所分
書類皆據隋經籍志理有未允體有不通此則事實未
安五也昔馬談作史記班彪作漢書皆兩葉而僅成劉
歆作七畧王儉作七志踰二紀而方就孰有四萬卷目
二千部書名目首尾三年便令終竟欲求精悉不其難
乎所以常有遺恨竊思追雪乃與闕一字類同契積思潛
心審正舊疑詳開新制永徽新集神龍近書則釋而附
也未詳名氏不知部伍則論而補也空張之目則檢獲
便增未允之序則詳宜別作紕繆咸正混雜必刊改舊

傳之失者三百餘條加新書之目者六千餘卷凡經錄
十二家五百七十五部六千二百四十一卷史錄十三
家八百四十部一萬七千九百四十六卷子錄十七家
七百五十三部一萬五千六百三十七卷集錄三家八
百九十二部一萬二千二十八卷凡四部之錄四十五
家都管三千六十部五萬一千八百五十二卷成書錄
四十卷其外有釋氏經律論疏道家經戒符籙凡二千
五百餘部九千五百餘卷亦具翻釋名氏序述指歸又
勒成目錄十卷名曰開元內外經錄若夫先王祕傳列
代奧文自古之粹籍靈符絕域之神經怪牒盡載於此

二書矣夫經籍者開物成務垂教作程聖哲之能事帝王之達典而去聖已久開鑿遂多苟不剖判條源甄明科部則先賢遺事有卒代而不聞大國經書遂終年而空泯使學者孤舟泳海弱羽憑天銜石填溟倚杖追日莫聞名目豈詳家代不亦勞乎不亦弊乎將使書千帙於掌眸披萬函於年祀覽錄而知旨觀目而悉詞經墳之精術盡探賢哲之睿思咸識不見古人之面而見古人之心以傳後來不其愈已其序如此斐等四部目及釋道目竝有小序及注撰人姓氏卷軸繁多今竝畧之但紀篇部以表我朝文物之大其釋道錄目附本書今

亦不取據開元經籍爲之志天寶已後名公各著文章
儒者多有撰述或記禮法之沿革或裁國史之繁畧皆
張部類其徒實繁臣以後出之書在開元四部之外不
欲雜其本部今據所聞附撰人等傳其諸公文集亦見
本傳此竝不錄四部區分詳之於下新書序曰自六經
焚於秦而復出於
漢其師道之傳中絕而簡編脫亂訛缺學者莫得其本
真於是諸儒章句之學興焉其後傳注箋解義疏之流
轉相講述而聖道粗明然其爲說固已不勝其繁矣至
於上古三皇五帝以來世次國家典滅終始僭竊僞亂
史官備矣而傳記小說外暨方言地理職官氏族皆出
於史官之流也自孔子在時方修明聖經以紉繆異而
老子著書論道德接乎周衰戰國遊談放蕩之士田駢
慎到列莊之徒各極其辨而孟軻荀卿始專修孔氏以
折異端然諸子之論各成一宗自前世皆存而不絕也
夫王迹熄而詩亡離騷作而文辭之士興歷代盛衰文

章與時高下然其變態百出不可窮極何其多也自漢以來史官列其名氏篇第以爲六藝九種七畧至唐始分爲四類曰經史子集而藏書之盛莫盛於開元其著錄者五萬三千九百一十五卷而唐之學者自爲之書者又二萬八千四百六十九卷嗚呼可謂盛矣六經之道簡嚴易直而天人備故其愈久而益明其餘作者衆矣質之聖人或離或合然其精深闊博各盡其術而怪奇偉麗往往震發於其間此所以使好奇博愛者不能忘也然凋零磨滅亦不可勝數豈其華文少實不足以行遠歟而俚言俗說猥有存者亦其有幸不幸者歟今著於篇有其名而亡其書者十蓋五六也可不借哉

甲部經錄十二家

新書十一家

五百七十五部

今案止五百七十一部

六千二百四十一卷

今案止六千二百二卷從新書增著錄十七部一百三十卷不著錄

一千三百四十七家三千三百四十卷

易類一

書類二

詩類三

禮類四

樂類五

春秋類六

孝經類七

論語類八

讖緯類九

經解類十

詁訓類十一

新書無

小學類

十二

連山十卷

司馬膺注從新書增案舊書闕連山而以膺注歸藏誤

歸藏十三卷

殷易司馬膺注疑誤

周易二卷

卜商傳

又十卷

孟喜章句

又十卷

京房章句

又四卷

費直章句

又十卷

馬融章句

又九卷

新書十卷鄭元注

又十卷

荀爽章句

又五卷

劉表注

又十卷

王肅注

又十卷

董遇注

又十卷

宋衷注○新書作宋忠

又七卷

王弼注

又九卷

虞翻注

又十三卷

陸績注

又十卷

荀氏九家集解

又十卷

馬鄭二王集解

又十卷

姚信注

又十卷

王弼韓康伯注

又十卷

二王集注

又十卷

荀暉注

又十卷

蜀才注

又十卷

張璠集注

又十卷

王廙注

又十卷

干寶注

又十卷

黃穎注

又十卷

崔浩注

又十三卷

崔觀注

又十卷

何肩注

又十卷

盧氏注

又十四卷

傅氏注

又十卷

王元度注
新書無

又十卷

王又元注

又十卷

任希古注

又十卷

王凱沖注

周易發揮五卷

王勃撰

周易繫辭二卷

謝萬注

又二卷

桓元注

又二卷

荀彥注

又二卷

荀柔之注
從新書增

又二卷

宋襄注

周易義疏二十卷

宋明帝注

宋羣臣講易疏二十卷

張該等注

周易大義二十卷

梁武帝撰

周易講疏三十五卷

梁武帝撰
新書無

周易發題義

新書無
題字

一卷

新書蕭
偉撰

周易幾義一卷

蕭偉撰

周易大義疑問二十卷

梁武帝撰

帝撰

周易義疏十四卷

蕭子政撰

又繫辭義二卷

蕭子政撰
從新書增

周易講疏三十卷

張譏注

又十三卷

何安撰

又十六卷

褚仲都撰

周易正義十四

新書十六卷

新書國子祭酒孔穎達顏師古
司馬才章王恭太學博士馬嘉

運太學助教趙乾叶王談于志寧等奉
詔撰四門博士蘇德融趙宏智覆審

周易新論

新書新
傳疏

十卷

陰宏道撰陰
顯子臨渙令

周易文句義疏二十四卷

陸德明撰

周易文外大義二卷

陸德明撰

周易新注本義十四卷

薛仁

貴撰

周易開題論序疏十卷

梁蕃

周易文句義疏二十卷

梁蕃

撰

周易大衍論三卷

元宗撰

周易論四卷

鍾會撰

周易大衍論一卷

新書三卷王弼

撰

周易論一卷

應吉甫撰

周易統畧論三卷

鄒湛撰

周易畧論一卷

張璠撰

周易論二卷

暨長成難暨仲容答暨新書作阮

通易象論一卷

宣聘撰

易論

新書通

一卷

宋處宗撰

又一卷

樂永初撰新書作樂肇

周易繫辭義疏二卷

劉歙撰

周易乾坤義疏一卷

劉歙撰

周易畧譜一卷

沈熊撰

周易爻義一卷

干寶撰

周易卦序論一卷

楊又撰

周易畧譜一卷

袁宏撰

周易論四卷

范氏撰

周易雜音三卷

沈熊撰

周易釋序義三卷

梁蕃撰

右易七十八部今案上止七十七部凡六百七十三卷今案

上止六百七十一卷

從新書增三部十四卷

李鼎祚集注周易十七卷東鄉助周易物象釋

疑一卷僧一行周易論卷亡又大衍元圖一卷

義決一卷大衍論二十卷崔良佐易忘象卷亡

元載集注周易一百卷李吉甫注一行易卷亡

衛元嵩元包十卷蘇源明傳李江注高定周易

外傳二十二卷定者高郢子京兆參軍裴通易

書一百五十卷通字又元士淹子文宗訪以易

義令進所撰書盧行超易義五卷行超字孟起

大中六合丞陸希聲周易傳二卷

右不著錄十一家三百二十九卷

古文尚書十三卷孔安國傳又十卷范甯注

又十卷李暹集注又十卷姜道盛集注

又十卷馬融注又九卷鄭元注

又十卷

王肅注

又十三卷

謝沈注

逸篇三卷

徐邈注
從新書增

大傳三卷

伏勝注
從新書增

尚書暢訓三卷

新書一卷
伏勝注

尚書洪範五行傳十一卷

劉向撰

尚書答問三卷

王肅注
新書王肅孔

安國問答

尚書釋駁五卷

王肅撰

尚書釋問四卷

王粲問田瓊韓
益正鄭元注

尚書釋義四卷

伊說撰

尚書義注三卷

呂文優撰

尚書新釋二卷

李暉撰

尚書要畧二卷

李暉撰

尚書義疏十卷

巢猗撰

尚書百問一卷

顧歡撰

又三十卷

蔡大寶撰

又十卷

費彪撰

又三十卷

蔡大寶撰

又二十卷

劉焯撰

尚書百釋三卷

巢倚撰

古文尚書大義二十卷

任孝恭撰

尚書文外義一卷

顧彪撰

尚書十三卷

王元度撰
從新書增

今文尚書十三卷

開元十四年元

宗以洪範無偏無頗聲不協詔改爲無偏無陂又
詔集賢學士衛包收古文從今文○從新書增

尚書述義二十卷

劉炫撰

尚書正義二十卷

新書國子祭酒

孔穎達太學博士王德韶四門助教李元孫等奉詔撰

四門博士朱長才蘇德融太學助教隋德素四門助教

王士雄趙宏智覆審太尉揚州都督長孫无忌司空李

勅左僕射于志寧右僕射張行成吏部尚書侍中高季

輔吏部尚書褚遂良中書令柳奭宏文館學士谷那律

劉伯莊太學博士賈公彥范頌齊威太常博士柳士
宣孔志約四門博士趙君贊右內率府長史宏文館直
學士薛伯珍國子助教史士宏太學助教鄭祖元周元
達四門助教李元植王貞儒
與王德韶隋德素等刑定
古文尚書音義五卷
顧彪撰

尚書音義四卷 王儉撰

右尚書二十九部凡二百七十二卷 今案上止二百六十

六卷 ○ 從新書增
四部三十二卷

王元感尚書糾繆十卷穆元休洪範外注十卷
陳正卿續尚書纂漢至唐十二代詔策章疏歌
頌符檄論議成書開元末上之卷亡崔良佐
尚書演範卷亡 ○ 右不著錄四家二十卷

韓詩二十二卷 卜商序 韓嬰注
韓詩外傳十卷 韓嬰撰

毛詩十卷 毛萇撰
毛詩詁訓二十卷 鄭元箋

毛詩二十卷 王肅注
又二十卷 王元度注 從新書增

葉詩二十卷 葉遵注
集註毛詩二十四卷 崔靈恩集注

韓詩 新書無 翼要十卷 卜商撰
毛詩譜三卷 鄭元撰

毛詩

新書作卜商

集序三卷

卜商撰

毛詩義注五卷

新書崔靈恩撰

毛詩雜義駁八卷

王肅撰

毛詩問難二卷

王肅撰

毛詩駁五卷

王伯興撰新書作王基

毛詩義問十卷

劉楨撰

毛詩雜答問五卷

毛詩雜義難十卷

毛詩異同評十卷

孫毓撰

毛詩釋義十卷

謝沈撰

毛詩辯三卷

楊又撰

毛詩序義一卷

劉氏撰

毛詩表隱二卷

新書陳統撰

毛詩義疏五卷

張氏撰

毛詩誼府三卷

元延明撰

草木鳥獸魚蟲疏二卷

陸璣撰

撰

毛詩述義三十卷

劉炫撰

難孫氏詩評四卷

陳統撰

毛詩正義四十卷

新書孔穎達撰

德韶齊威等奉詔撰趙乾叶四
門助教賈普曜趙宏智等覆正

毛詩音義二卷

魯世達撰

毛詩諸家音十五卷

鄭元注

右詩三十部凡三百十三卷

從新書增一
部二十卷

許叔牙毛詩纂義十卷成伯璵毛詩指說一卷
又斷章二卷毛詩草木蟲魚圖二十卷開成中
玄宗命集賢院修撰并繪物象大學士楊嗣復
學士張次宗上之。右不著錄三家三十三卷

周官十二卷

馬融傳

周官禮十三卷

鄭元注

又十卷

伊說撰

又十二卷

王肅注

又十二卷

干寶注

又二十卷

崔靈恩集注
從新書增

周官論評十二卷

陳邵駁
傅元評

周官寧朔新書八卷

司馬
仙序

王懋
約注

周官駁難五卷

孫畧同
干寶注

周禮義疏四十卷

沈重撰

周禮疏五十卷

賈公彥撰

周禮義決三卷

王元度撰

周官音三卷

鄭元撰

儀禮十七卷

鄭元注

又十七卷

王肅注

儀禮音二卷

新書王肅撰

喪服紀一卷

馬融注

又一卷

鄭元注

又一卷

王肅注

又一卷

袁準注

又一卷

新書孔倫注

又一卷

陳銓注

又二卷

蔡超宗注

又二卷

田僧紹注

喪服變除一卷

戴德撰

又一卷

鄭元撰

喪服要紀一卷

王肅注

又五卷

賀循撰謝微注

又十卷

新書五卷賀循撰
庾蔚之注

喪服要集議三卷

杜預撰

喪服古今集記三卷

王儉撰

喪服五代行要記十卷

王遠之志

喪服經傳義疏四卷

沈文阿撰

喪服發題二卷

沈文阿撰

喪服文句義十卷

皇侃撰

喪服天子諸侯圖二卷

謝慈撰

喪服圖一卷

崔遊撰

喪服譜一卷

蔡謨撰

又一卷

賀術撰

喪服要難一卷

趙成問仇祈答新書作袁祈撰

儀禮疏五十卷

賈公彥撰

大戴禮記十三卷

戴德撰

小戴禮記二十卷

戴聖撰鄭元注

禮記二十卷

盧植注

又三十卷

王肅注

又三十卷

孫炎注

又十二卷

葉遵注

又二十卷

王元度注從新書增

禮記寧朔新書二十卷

司馬佃序
王懋約注

次禮記

新書亦曰類禮

二十卷

魏徵撰

月令章句十二卷

戴詒撰

禮記中庸傳二卷

戴詒撰

禮記義記四卷

鄭小同撰

禮記要鈔六卷

緝氏撰

禮記音二卷

鄭元注
曹耽解

又二卷

李軌撰

又二卷

謝慈撰

又二卷

尹毅撰

又三卷

徐邈撰

又二卷

徐爰撰

禮記隱二十六卷

禮記畧解十卷

庚蔚之撰

禮記講疏一百卷

皇侃撰

禮記義疏五十卷

皇侃撰

又四十卷

沈重撰

又四十卷

熊安生撰

禮記義證十卷

劉芳撰

禮記類聚十卷

禮記正義七十卷

新書孔穎達國子司業朱子奢國子助教李善信賈公彥柳士宣范義顏

魏王參軍事張權等奉詔撰與周元達趙君贊王士雄趙宏智覆審

禮記疏八十卷

賈公彥撰

禮論三百七卷

何承天撰

禮議二十卷

戴聖等撰

三禮目錄一卷

鄭元注

問禮俗十卷

董勛撰

禮記評十卷

劉雋撰

禮儀答問十卷

王儉撰

雜禮義十一卷

吳商等撰

禮儀雜記故事十一卷

禮問九卷

范甯撰

禮論答問九卷

范甯撰

又九卷

徐廣撰

雜禮儀問答四卷

戚壽撰

禮論逆降議三卷

顏延之撰

禮論條牒十卷 任預撰

禮論帖三卷 任預撰

禮論鈔六十六卷 任預撰

又二十卷 庾蔚之撰

禮雜答問十卷 王儉撰

禮雜鈔畧二卷 荀萬秋撰

禮議一卷 傅伯祥撰
新書作傅隆

禮統郊祀六卷

禮論要鈔十三卷

又一百卷 賀瑒撰

禮記區分十卷

禮論鈔畧十三卷

禮大義十卷 梁武帝撰

禮疑義五十卷 周捨撰

禮記義十卷 何佟之撰

禮答問十卷 何佟之撰

三禮義宗三十卷 崔靈恩撰

禮統十三卷 新書十二卷
賀述撰

三禮宗畧二十卷 元延明撰

三禮圖十二卷 夏侯伏朗撰

江都集禮一百二十卷

潘徽等撰新書入乙部史錄儀注類

大唐新禮一百卷

新書入乙部史錄儀注類不著錄長孫无忌房元齡魏徵李百藥顏師古

今狐德茶孔穎達于志寧等撰吉禮六十篇賓禮四篇軍禮二十篇嘉禮四十二篇凶禮六篇國恤五篇總一

百三十篇貞觀十一年上之

紫宸禮要十卷

天后撰新書入乙部

史錄儀注類不注錄

右禮一百四部

今案上止一百三部

周禮十三家儀禮喪

服二十八家禮論答問三十五家凡一千九百

四十五卷

今案上凡二千二十二卷從新書增三部四十一卷

元行冲類禮義疏五十卷御刊定禮記月令一卷集賢院學士李林甫陳希烈徐安貞直

學士劉光謙齊光又陸善經修撰官史元吳待制官梁令瓚等注解自第五易爲第一成伯璜

禮記外傳四卷 王元感禮記繩愆三十卷 王方慶禮經正義十卷 禮雜問答十卷 李敬元禮論六十卷 張鎰三禮圖九卷 陸贄類禮二十卷 韋彤五禮精義十卷 丁公著禮志十卷 禮記字例異同一卷 元和十二年詔定邱敬伯五禮異同十卷 孫玉汝五禮名義十卷 杜肅禮畧十卷 張頰禮粹二十卷 右不著錄十六家二百九十五卷 案上止二百六十五卷 作九十五卷者誤

樂書九卷

信都芳注

管弦記十二卷

留進錄

管弦志十卷

凌秀撰
從新書增

鍾磬志二卷

公孫崇撰

樂社大義十卷

梁武帝撰

樂論三卷

梁武帝撰

鍾律五卷

沈重撰

古今樂錄十三卷

釋智邱撰
新書

匠作智

樂府聲調六卷

鄭譯撰

樂府歌辭八卷

鄭譯撰
從新書增

樂譜集解二十卷

蕭吉撰

樂府志十卷

蘇夔撰

樂經三十卷

李元楚撰

樂書要錄十卷

天后撰

樂畧四卷

元愨撰

聲律指歸一卷

元愨撰

樂元起二卷

桓譚撰

琴操二卷

桓譚撰

琴操三卷

新書一卷
孔衍撰

琴譜四卷

劉氏周氏等撰

琴敘譜九卷

趙耶律撰

琴譜二十一卷

陳懷撰

琴集歷頭拍簿一卷

外國伎曲三卷

論樂事二卷

外國伎曲名一卷

歷代曲名一卷

推七音一卷

十二律譜義一卷

鼓吹樂章一卷

古今樂記八卷

李守真撰

右樂二十九部凡一百九十五卷

從新書增二部十八卷

張文收新樂書十二卷劉熙大樂令壁記三卷
徐景安歷代樂儀三十卷崔令欽教坊記一卷
吳兢樂府古題要解一卷郝昂樂府古今題解
三卷一作王昌齡段安節樂府雜錄一卷安節
文昌孫竇璣正聲樂調一卷元宗金風樂一卷
蕭祐無射尚九調譜一卷趙惟暉琴書三卷陳
拙大唐正聲新址琴譜十卷呂渭廣陵止息譜
一卷李良甫廣陵止息譜一卷李約東杓引譜
一卷李勉子兵部員外郎齊嵩琴雅畧一卷
王大力量聲律圖一卷陳康士琴譜十三卷康
士字安道僖宗時人又琴調四卷琴譜一卷離
騷譜一卷趙耶利琴手勢譜一卷南卓羯鼓錄
一卷卓字嗣昭大中黔南觀察使
○右不著錄二十家九十三卷

春秋三家經詁訓十二卷

賈逵撰

春秋經十一卷

士燮撰

春秋傳十卷

王朗注

春秋左氏長經章句二十卷 賈逵撰

春秋左氏傳解詁三十卷 賈逵撰

春秋左氏傳解詁三十卷 服虔注

春秋左氏經傳章句三十卷 董遇注

春秋左氏傳三十卷 王肅注 又三十卷 杜預撰

春秋左氏傳義注三十卷 孫毓注

春秋左氏傳音三卷 高貴鄉公撰

又四卷 曹毗荀訥撰 又三卷 杜預撰

又三卷 李洪範撰 又三卷 新書作李軌 又三卷 孫邈撰

又三卷 王元規撰 又十二卷

春秋左氏音隱一卷

服虔撰

春秋左氏傳條

新書作牒例二

十卷

劉寔撰

春秋左氏傳條

新書作牒例章

句九卷

鄭衆撰

春秋左氏傳釋例七卷

新書

穎容撰

又十五卷

杜預撰

春秋左氏條例十卷

劉寔撰

春秋左氏經例十卷

新書六卷

方範撰

春秋左氏膏肓十卷

何休撰鄭

元箴

春秋成長說七卷

服虔撰

春秋左氏膏肓釋病五卷

服虔撰

春秋達長義一卷

王玠撰

春秋左氏傳說要十卷

糜信

撰

春秋塞難三卷

服虔撰

春秋左氏傳例苑十八卷

梁簡文帝撰

春秋左氏傳賈服異同畧五卷

孫毓撰

春秋義函傳十六卷

千寶撰

春秋左氏釋滯十卷

殷興撰

春秋序論一卷

千寶撰

春秋左氏區分

新書作別十二

卷 何始貞撰

春秋左氏義畧三十卷

張中

撰

春秋左氏抄十卷

左氏杜預評二卷

春秋圖七卷

嚴彭祖撰

春秋辭苑五卷

春秋經傳詭例疑隱一卷

吳畧撰

春秋雜義難五卷

春秋土地名三卷

新書京相璠撰

春秋旨通十卷

王延之撰

春秋大夫譜十一卷

顧啟期撰

春秋叢林十二卷

李士望撰

春秋立義十卷

崔靈恩撰

春秋申先儒傳例十卷

崔靈

恩撰

春秋文苑六卷

沈宏撰

春秋嘉語六卷

沈宏撰

春秋義畧二十七卷

沈文阿撰

春秋攻昧十二卷

劉炫撰

春秋規過三卷

劉炫撰

春秋述議三十七卷

劉炫撰

春秋正義三十七卷

新書三十六卷

卷

孔穎達楊士勛朱長才奉詔撰馬嘉運王德詔蘇德

融與隋德素覆審

春秋公羊傳五卷

嚴彭祖述

又十三卷

何休注

又十二卷

王愆期注

春秋公羊集解十四卷

孔氏撰

春秋公羊傳記十二卷

高襲

撰

何氏春秋漢議十一卷新書

十卷何休撰鄭元駁麋信注

又十一卷服虔駁

春秋公羊條傳一卷何休撰

春秋公羊墨守二卷新書一卷

何休撰鄭元發

春秋公羊答問五卷荀爽問徐

答欽

春秋公羊音二卷王儉撰

春秋公羊違義三卷

劉寔撰劉晏注

春秋公羊論二卷新書一卷庾翼

難王愆期答

春秋穀梁傳十三卷段肅注

又十五卷尹更始注

又十二卷唐固注

又十二卷麋信注

又十三卷孔衍訓注

又十三卷徐乾注

又十二卷徐邈注

春秋穀梁集解十一卷

張靖撰

又十卷

沈仲義注

春秋穀梁經傳集注十六卷

程闡撰

又十二卷

范甯撰

春秋穀梁廢疾三卷

何休撰

元釋張靖箴

又十二卷

新書十卷徐邈撰

春秋穀梁傳義三卷

蕭邕問

春秋穀梁疏十三卷

新書十二

卷楊士勛撰

春秋三傳集解十一卷

劉兆撰

春秋三傳十卷

韓益撰

春秋三傳經解十二卷

胡訥撰

春秋三傳評十卷

胡訥撰

春秋公羊穀梁二傳評三卷

江熙撰

春秋繁露十七卷

董仲舒撰

春秋辨證明經論六卷

春秋二傳異同十一卷

新書十二卷李鉉撰

春秋合三傳通論十卷

潘叔度撰

春秋成集十卷

潘叔度撰

春秋外傳國語二十卷

左邱明撰

國語章句二十二卷

王肅注

又二十一卷

虞翻注

又二十一卷

韋昭注

又二十一卷

唐固注

又二十一卷

新書孔晁解

右春秋一百二部

今案上凡一百三部

一千一百八十四

卷

今案上止一千一百七十六卷

王元度注春秋左氏傳卷亡盧藏用春秋後語十卷高重春秋纂要四十卷重字文明士廉五代孫文宗時翰林侍講學士帝好左氏春秋命重分諸國各爲書別名經傳要畧歷國子祭酒許康佐集左氏傳三十卷一作文宗御集徐文遠左傳義疏六十卷又左傳音三卷陰宏道春

秋左氏傳序一卷李氏三傳異同例十一卷開元
中右威衛錄事參軍失名馬伉三傳異同三卷
劉軻三傳指要十五卷韋表微春秋三傳總例
二十卷王元感春秋振滯二十卷韓滉春秋通
一卷陸質集注春秋二十卷又集傳春秋纂例
十卷春秋微旨二卷春秋辨疑七卷樊宗師春
秋集傳十五卷春秋加減一卷元和十二年國
子監修定李瑾春秋指掌十五卷張傑春秋圖
五卷又春秋指元十卷裴安時左氏釋疑七卷
安時字適之大中江陵少尹第五泰左傳事類
二十卷泰字伯通青州益都人咸通鄂州文學
成元穀梁總例十卷元字又元咸通山陽令陸
希聲春秋通例三卷陳岳折衷春秋三十卷岳
唐末鍾傳江西從事郭翔春秋義鑑三十卷柳
宗元非國語二卷○右不
著錄二十二家四百三卷

古文孝經一卷

孔安國傳

又一卷

劉邵注

孝經一卷

王肅注

又一卷

鄭元注

又一卷 韋昭注

又一卷 孫熙注

又一卷 蘇林注

又一卷 謝萬注

又一卷 虞盤佐注

又一卷 孔光注

又一卷 殷仲文注

又一卷 殷叔道注

又一卷 魏克己注

孝經默注二卷 徐整撰

孝經制旨一卷 元宗御製

講孝經義四卷 車胤等撰

講孝經集解一卷 荀勗撰

孝經義疏三卷 皇侃撰

大明中皇太子講孝經義疏一卷

何約之執經

孝經疏十八卷 梁武帝撰

又五卷 賈公彥撰

孝經發題四卷 太史叔明撰

孝經述義五卷 劉炫撰

越王孝經新義十卷

任希古撰

孝經應瑞圖一卷

演孝經十二卷

張士儒撰

孝經疏三卷

新書二卷元宗注元行冲

撰

又十卷

鄭元注

又十卷

鄭元注虞喜贊

又十卷

王肅注

又十卷

宋明帝補商確注

又十卷

李充注

又十卷

孫綽集解

又十卷

梁顛注

又十卷

盈氏集義

又九卷

孟釐注

又十卷

袁喬注

又十卷

尹毅注

又十卷

江熙集解

又十卷

張氏注

次論語五卷

新書十卷王勃撰

論語音二卷

徐邈撰

古論語義注譜一卷

徐氏撰

論語釋義十卷

新書一卷
鄭元撰

論語義注十卷

暢惠明撰

論語義注隱三卷

論語篇目弟子一卷

鄭元撰

論語釋疑二卷

王弼撰

論語釋十卷

樂肇撰

論語駁二卷

樂肇撰

論語大義解十卷

崔豹撰

論語旨序二卷

繆播撰

論語體畧二卷

郭象撰

論語雜義十三卷

論語別義十卷

論語疏十卷

皇侃撰

又十五卷

賈公彥撰

論語述義二十卷

戴詵撰

論語章句二十卷

劉炫撰

論語講疏十卷

褚仲都撰

孔子家語十卷

王肅注

孔叢子七卷

孔鮒撰

右六十三部孝經二十七家論語三十六家几

三百八十七卷

今案上凡三百九十七卷

尹知章注孝經一卷孔穎達孝經義疏卷亡王元感注孝經一卷李嗣真孝經指要一卷平貞春孝經議卷亡徐浩廣孝經十卷浩稱四明山人乾元二年上授校書郎韓愈注論語十卷張籍論語注辨二卷○右不著錄孝經六家十三卷論語二家一十二卷

易緯九卷

宋均注

書緯三卷

鄭元注

詩緯三卷

鄭元注

又十卷

宋均注

禮緯三卷

宋均注

樂緯三卷

宋均注

春秋緯三十八卷

宋均注

論語緯十卷

宋均注

孝經緯五卷

宋均注

白虎通六卷

漢章帝撰

五經雜義七卷

劉向撰

五經通義九卷

劉向撰

五經要義五卷

劉向撰

五經異義十卷

許慎撰

六藝論一卷

鄭元撰

鄭志九卷

鄭元撰

鄭記六卷

鄭元撰

聖證論十一卷

新書王肅撰

五經然否論五卷

譙周撰

五經鈎深

新書

十卷

楊方撰

五經咨疑八卷

楊同撰

孔子正言二十卷

梁武帝撰

長秋義記一百卷

梁簡文帝撰

經典大義

新書

經典元十

卷

沈文阿撰

五經宗畧四十卷

元延明撰

七經義綱畧論三十卷

樊文深撰

質疑五卷

樊文深撰

游元桂林二十卷

張譏撰

五經正名十五卷

新書十卷劉

炫撰

經典釋文三十卷

陸德明撰

諡法三卷

荀顛演劉熙注

又三卷

賀琛撰

諡例十卷

沈約撰

匡謬正俗八卷

顏師古撰

集天名稱三卷

右三十六部

今案上止三十五部

經緯九家七經雜解二

十七家凡四百七十四卷

今案上止四百六十八卷

趙英五經對訣四卷英龍朔中汲令劉迅六說

五卷劉覲六經外傳三十七卷張謐五經微旨

十四卷韋表微九經師授譜一卷裴僑卿微言注集二卷僑卿開元中鄭縣尉高重經傳要畧十卷王彥威續古今諡法十四卷慕容宗本五經類語十卷宗本字泰初大中時幽州人劉氏

經典集音三十卷劉鎔字正範絳州正平人咸
通晉州長史。右不著錄十家一百二十七卷

爾雅三卷

李巡注

又六卷

樊光注

又六卷

孫炎注

又三卷

新書一卷
郭璞注

又十卷

沈璇集注

爾雅音義一卷

郭璞撰

又二卷

曹憲撰

爾雅圖一卷

郭璞撰

爾雅圖贊二卷

新書一卷
江灌注

爾雅音六卷

江灌撰

續爾雅百卷

劉伯莊撰
新書一卷此百字疑誤

釋名八卷

劉熙撰

別國方言十三卷

揚雄撰

辨釋名一卷

韋昭撰
從新書增

廣雅四卷

張揖撰

博雅十卷

曹憲撰

小爾雅一卷

李軌撰

纂文三卷 何承天撰

纂要六卷 顏延之撰

三蒼三卷 李軌等撰
郭璞注

蒼頡訓詁二卷 杜林撰

三蒼訓詁二卷 新書一卷
張揖撰

埤蒼三卷 張揖撰

廣蒼一卷 樊恭撰

說文解字十五卷 許慎撰

說文 新書無
說文字 音隱四卷

字林七卷 呂忱撰

字統二十卷 楊承慶撰

玉篇三十卷 顧野王撰

字海一百卷 天后撰凡武后所著書皆元萬頃范履
冰苗神客周思茂胡楚賓衛業等撰

文字釋訓三十卷 釋寶誌撰 括字苑十三卷 馮幹撰

字屬篇一卷 賈魴撰 古文奇字二卷 郭訓撰

字旨篇一卷 郭訓撰 古文字詁 新書二卷
作訓二卷 張揖撰

雜字一卷

張揖撰
從新書增

詔定古文字書一卷

衛宏撰

解字文七卷

周成撰

雜文字音七卷

王延撰

文字要說一卷

王氏撰

字書十卷

古今八體六文書法一卷

四體書勢一卷

衛恒撰

要用字苑一卷

葛洪撰

難要字三卷

文字集畧一卷

阮孝緒撰

辨嫌音二卷

楊休之撰

文字指歸四卷

曹憲撰

證俗音畧二卷

新書一卷
顏愔楚撰

證俗音三卷

張推撰
從新書增

叙同音三卷

覽字知源三卷

文字辨嫌一卷

新書彭立撰

聲類十卷

李登撰

韻集五卷

呂靜撰

韻畧一卷

楊休之撰

四聲韻畧十三卷

夏侯詠撰

四聲部三十卷

張諒撰

韻篇十二卷

趙氏撰

切韻五卷

陸慈撰

桂苑珠叢一百卷

諸葛頴撰

桂苑珠叢畧要二十卷

急就章一卷

史游傳曹受又解新書作曹壽

急就章注一卷

顏之推撰

又一卷

顏師古撰

凡將篇一卷

司馬相如撰

飛龍篇篆草勢合三卷

崔爽撰

撰

太甲篇一卷

班固撰

聖草章一卷

蔡邕撰

勸學篇一卷

蔡邕撰

黃初章一卷

吳章一卷

初新書作幼學篇一卷

朱嗣卿撰

始學篇十二卷

項峻撰

少學集十卷

楊方撰

小學篇一卷

王羲之撰

續通俗文二卷

李虔撰

啟疑三卷

顧凱之撰

詰幼文三卷

顏延之撰

辨字一卷

戴規撰

俗語難字一卷

李少通撰

文字志三卷

王愔撰

五十二體書一卷

蕭子雲撰

古來篆隸詁訓名錄一卷

書品一卷

庾肩吾撰

書後品一卷

李嗣真撰

筆墨法一卷

又一卷

顏之推撰
從新書增

鹿紙筆墨疏一卷

千字文一卷

蕭子範撰

又一卷

周典嗣撰

篆書千字文一卷

演千字文五卷

今字石經易篆三卷

今字石經尚書五卷

今字石經鄭元尚書八卷

三字石經尚書古篆三卷

今字石經毛詩三卷

今字石經儀禮四卷

今字石經左傳經十卷

三字石經左傳古篆書十

二卷

今字石經公羊傳九卷

今字石經論語二卷

蔡邕撰

雜字書八卷

釋正度撰

右小學一百五部

今案上止一百二部

爾雅廣雅十八家

偏傍音韻雜字八十六家凡七百九十七卷

今案

上止七百九十六卷

從新書增四部六卷

徐浩書譜一卷古跡記一卷張懷瓘書斷三卷
懷瓘開元中翰林院供奉又評書藥石論一卷

張敬元書則一卷敬元貞元中處士褚長文書
指論一卷張彥遠法書要錄十卷彥遠宏靖孫
乾符初大理卿裴行儉草書雜體卷亡荆浩筆
法記一卷浩稱洪谷子二王張芝張昶等書一
千五百一卷南唐太宗出御府金帛購天下古本
命魏徵虞世南褚遂良定真偽凡得羲之真行
二百九十紙爲八十卷又得獻之張芝等書以
貞觀字爲印章跡命遂良楷書小字以影之其
古本多梁隋官書梁則滿騫徐僧權沈熾文朱
异隋總姚察署記帝令魏褚卷尾各署名開元
五年敕陸元悌魏哲劉懷信檢校分益卷帙元
宗自書開元爲印王方慶寶章集十卷又王氏
八體書範四卷王氏工書狀十五卷元宗開元
文字音義三十卷張參五經文字三卷唐元度
九經字樣一卷元度文宗時待詔顏元孫干祿
字書一卷歐陽融經典分毫正字一卷李膺說
文字源一卷騰陽冰從子僧慧力像文玉篇三
十卷蕭鈞韻音二十卷孫愐唐韻五卷武元之
韻銓十五卷元宗韻英五卷天寶十四載撰詔
集賢院寫付諸道採訪使傳布天下顏真卿韻

海鏡源三百六十卷李舟切韻十卷僧猷智辨
體補修加字韻切五卷。右不著錄二十三家
二千四
十五卷

唐書卷第七十二